

丹砂證道歌

教子真妙言令子知道元無名天地始我得天地先有名萬物  
母萬物復洪源聚陰以爲地積陽以爲天盜得三才理丹砂合  
自然乾坤真正德晃朗生靈質杳杳復冥冥迴光含太乙金以  
砂爲主稟和水銀母太陽離火精射入希夷府靈英透景明光  
華赫然住白虎吸紅璃金華生玉芝欲凝成至藥萬化隨交策  
丹象逐交銖靈通難畫圖寶結藍天碧霞光分五色一號紫金  
紅一名飛白雪三日天谷青四號黑鉛液五名中黃精固形萬  
萬春百骸搜九竅是病都除了救卻老殘容身輕髮不皓續齒  
如銀玉視暗如燈燭隱跡在人間積行施陰德不是戀繁華玉

道藏輯要

礪溪全集

癸 又胃集三

清朝未得病者卽與醫貧者贈黃白學者遺丹經指陳道口訣  
功行一朝圓天書朝太極真藥便是鉛真汞隨火發水火應天  
符不得差時節四季若不調寒暗不應律仲冬如炎暑仲夏濃  
霜雪多應更漏乖晦爽不明白坤火衰將滅陰侵萌未發水盛  
坎消陽火多將伐木相尅不相生陰陽不順律火金不返還斗  
錯移南北四七亂縱橫璇璣皆喪失煉土審思之留心仔細推  
知之不必言在勤而行之此書萬遍讀名曰上天梯

孚佑帝君成胎混沌經 一領先天露 二得海底津 三收

萬物性 四留五穀精 五撇塵埃氣 六保自來神 七明

陰陽理 八歸大道神 九得真真路 十成混沌身